

MASDEVALLIA PUMILA. CVIII. C.

M. foliis spathulato linearibus, obtusis, in petiolum brevissimum attenuatis, pedunculos laxos duplo superantibus; floribus erectis; perianthii campanulati laciniis longis a basi sensim angustatis; sepalis interioribus falcatis, obtusis; labelli unguiculati lamina ovata, profunde cordata.

Crescit cum praecedentibus Novembre florens.

DESCRIPTION. Herba pumila, pollicibus tribus raro altior. Radices paucae, simplices, albae, tenues, pollicares. Rhizoma nullum. Petioli superstites trigoni, obtusi, atri, laevissimi, tres ad quatuor lineas longi. **Folia** cum petiolo articulata, erecta vel patula, linearia, e basi angustissima sensim dilatata, subspathulata, apice obtuso integerrima, uninervia, coriacea, lacte viridia, nitida, pollices duos ad tres longa, totidem lineas lata. Pedunculi plures foliis duplo breviores, patuli, teretes. Flores erecti, parvi, pollice vix longiores. Ovarium obverse conicum, spiraliter tortum, glabrum, cum pedunculo continuum, lineas duas longum. Perianthium totum niveum, pellucidum, tenerrimum, campanulatum, minus profunde trifidum, incisuris aequalibus, laciniis aequalibus, sensim in lacinias filiformes sursum flexos attenuatis. Sepala interiora falcata, obtusa, basi nuda, apice obtuso integerrima, trinervia. Labellum ungue lineari cum basi columnae articulatum, eidem incumbens, intus concavum, lamina ovato oblonga, apice rotundata, profunde cordata, lobis basilariibus linearibus obtusis, multinervi. Columna reflexa, semiteres.

Explicatio tabulae CVIII. C. MASDEVALLIA PUMILA. — Fig. a. b. c.

- a) Flos integer. b) Idem perianthio exteriori avulso sextuplo auctus.
c) Labellum item.